



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ I. Prima quæstio de Exemplatione documentorum excutitur.

urn:nbn:de:hbz:466:1-14268

depositiones testium aliaque Iura producta & ponderata; cum Abbas nunquam ad hanc litem fuerit citatus, multò minus in eo Iudicio defensus vel auditus. Quod studiosè & non sine artificio videtur ita practicatum fuisse, ne forte Abbas comparens, animaduerteret illa quæ contra Monasterij statum agitabantur.

Atque hæc pauca de multis, quæ scilicet occasio & progressus fuerit litis Spirensis, sint dicta: Nunc votum Camerale examinandum, quod auctor libelli in speciem ad probandas supradictas positiones exhibuit.

SECTIO DECIMA.

Votum Camerale nihil contra Iura S. Maximini solidum contineat sed potius in multis Archiepiscopo obesse ostenditur.

CVM non agatur de Senatus sententiâ, sed Senatoris duntaxat & Assessoris Spirensis opinione & voto, licebit omnino eius dicta redarguere, & ostendere in quantis uictor voti à verò aberrauerit. Et cum ab auctore libelli idem votum pro Archiepiscopi prætensione inter documenta eius producatur, etiam fas nobis erit ijs, quæ pro Iure nostro dicit & concedit, tanquam ab aduersa parte admissis vti ad ipsum conuincendum.

Hoc duntaxat proposito, refutationem voti aggrediar, non ut omnia & singula cius dicta probationesque examinem & refutem, quod inutile æquè ac immensum foret.

S. I. Prima quæstio de Exemplatione documentorum excutitur.

Art. I. Quam vim documenta exemplata habeant.

Principio illud obseruandum Maximilianos in lite illa Spirensi, ad quam votum à Scriptore defertur, non fuisse auditos, neque rationes directo aut ex professo contra illos à Senatore (si Senator illud confecit) per illud votum opinante fuisse propositas, sed præcipue contra Fiscum nomine Imperatoris agentem, & quatenus ipsorum Imperatorum facta Imperatores concernebant, non autem quatenus eadem facta Maximilianorum interesse Iusque tangere poterant.

Quorum respectu variant sanè rationes causæque dicendi ac decidendi, ut pote in quorum Maximilianorum Iure consistat Ius Tertij, cui per rescripta Principum non ita præindicatur, quemadmodum ipsorum Principum concedentum proprio Iuri.

Vnde fit, ut quod ad primam quæstionem in voto propositam attinet, consistere potuerit illa distincio exemplorum, ut non valeant exempla expedita, etiam à Principe, nisi præsente aut citata parte, dum de instrumentis agitur, sicut in Priuilegijs vel renouatione priuilegiorum, quam Papa vel Princeps facit, ut scilicet valeat illorum exemplatio, etiam partibus non vocatis, quod intelligendum est in quantum concernunt præjudicium Principum, Priuilegia renouantium exemplaque confirmingantium, modo ipsi Principes tales sint, qui

priu-

priuilegia ipsa principalia de nouo possent concedere (quæ limitatio etiam in ipso voto additur) atque etiam saluis alijs omnibus in rescriptorum ob cætera vitia obiectionibus, vti subreptionis, obreptionis, & similibus.

Sed vt exemplatio Priuilegij valeat in præjudicium Iurium tertij non praesentis, neque vocati, hoc denique ita non est, *Didacus, Conarru. pract. quest. cap. 21. num. 8.* quia tunc eadem ratio militat quæ in instrumentis, scilicet ne lœdatur absens exactu, ad quem citatus non fuit, in quo ideo defensiones suas in contrarium allegare, vitiaue prætensorum Originalium ostendere non potuit, præsertim cum non modo de graui, sed de grauissimo præjudicio agitur, vt hic.

Quæ ratio fundata est in ipso Iure naturæ, quæ non magis tolli potest, quam ipsa iuri defensio, ab ipsis naturæ, Iurisque diuini principijs ordinata. *Clement. Pastoralis de re iudic.*

Art. 2. An à Principe tolli posse citatio partis in Exemplatione.

FAtetur votum id per ordinatiam Principis potestatem fieri non posse, sed aliter sentit de potestate absolutâ, atque etiam de ordinariâ, ex causâ.

Verum nequaquam cogitandum est Principes vti velle absolute potestate, aut plenitudine potestatis (quam non malè vocant plenitudinem temperatatis, nullamque in bono Principe agnoscunt pij Doctores) *Didacus, Conarr. var. resol. lib. 3. cap. 6. n. 8. Praefab. Cod. lib. 1. def. 11. nn. 10. in alleg. Petrus Rebiffus. praxi benef. de non tollendo, ius quest. reg. 16. gloss. 6. num. 34.* nec id facilè fingi aut admitti debet, multò minus in hoc casu existimari: quod Imperatores optimi Principes, à Iure recedere, alterum lœdere, Iuri tertij præiudicare cogitauerint aut intenderint suis rescriptis, vt Archiepiscopi prætensa exempla confirmarent. *Gail. lib. 2. obseru. 56. Pertinet enim, inquit, ad officium boni Principis curare, ne dilectionem proximi offendat, aut iustitiam violet, neve tempestatis potius, quam potestatis plenitudine utamur.* Et ex Zafio addit, *Scio boni Principis potestatem ad tutelam subditorum & iustitiam afferendam esse amplissimam, ceterum, ut iniuria subditis fiat, illuc Principis potestatem non agnosco, sed Tyranni, id enim dicimus posse quod honeste possumus.*

Accedit quod certum sit Confirmationes, quæ quibuscumque alijs absentiibus ad nudam impetrantis petitionem concedi solent, illas semper clausulas ac conditiones, si non expressas, saltem sub intellectu continere, *Salvo Iure Tertij.* Item si preces veritate nitantur: de quo latius infra tractabitur.

Deinde inserta non sunt in libello, illa Maximiliani & Caroli V. Diplomata, per quæ dicitur in voto pag. 89 priuilegia fuisse exemplata, neque etiam exhibetur illud Friderici, cuius mentio fit in eodem voto, quæst. An Elisa pag. 94, in principio, vbi dicitur quod iusta causa in Friderici priuilegio expressa sit, videlicet *Originalia in Bello & alias igne consumpta esse.*

Vnde fit, vt contra eorum clausulas ac formam nihil specialiter deduci possit.

Sed ex ipsa illius cause allegatione, quod *Originalia in bello & alias igne consumpta sunt*, euincitur ipsa originalia in prætentis illis Imperatorum exemplationibus visa non fuisse, vpote quæ non extitisse sed etiam tunc perijisse afferatur, vnde consequens est nudam exemplationem simplicium exemplorum

confestam esse atque adeo quod nihil aliud habeatur, quam exempla exemplorum, quibus nullo modo creditur; et si exempla ab alijs exemplis solemniter traducerentur. *Didacus Couarru. eod. cap. 21. præct. quest. n. 4.*

Verum est, istæ prætensa causa bellii aut ignis verisimilitudinem nullam habent: non enim villa extat memoria, quod Archiuia villa Archiepiscopalia igne conflagravit aut bellis deuastata fuerint neque minor extitisset cura Originalium conseruandorum & ad hæc usque tempora transmittendorum, quam simplicium exemplorum, præsertim cum talia documenta, pro tanta mole totiusq; rei in Maximinianos, basi & fundamento habeantur.

Sed præsumptio vehemens ex illis ipsis obtentis prætextibus exurgit, vera ac genuina Originalia scienter suppressa esse, vel celari, timerique veram eorum faciem in lucem prodi, ne patefcant illa quæ timent aduersarij, à nobis hactenus deducta.

At neque causa illa prætensa amissionis Originalium iusta est ad hoc, vt Princeps Ius Tertij tollat aut imminuat. Debet enim causa esse publica aut ad publicam necessitatem, utilitatemque spectans, vt Iuri priuatorum derogare possit Princeps, quæ derogatio illo in casu sustinetur, ob illam superiorem trascendentemque rationem, *Salus populi suprema lex esto*, ita ut quod in particulari contingit iniquum, utilitate publica rependatur. *Gail. libr. 2. obseru. 56. numero 2.*

Sed prætensa amissio Originalium, causa est priuata ob quam non magis tolli potuit villum Maximinianorum Ius, quam possint vilæ aliorum res, aut iuria aliena ab ipsis Dominis tolli, vt Archiepiscopo donentur.

Ita ut hæc non aptè inseratur illa disceptatio, An iusta causa præsumatur in Principe dum infert præiudicium alicui, aut reuocat quod concessit, cum enim causa illa expressa reperiatur, quæ inutilis est, cessat quæstio causarum diuinatoria.

Sed neque verum est, in thesi generali, causam iustum præsumi in Principe ius tertij tollente, dum contra ius gentium disponit, vel statuit, vel etiam, quando contra Ius posituum, si id faciat ad postulationem Partis, quin immo præsumptio est Principem importunitate & ex falsis narratis supplicantis circumuentum esse. *Gail. lib. 2. obseru. 58. n. 2.*

Etsanè, quæ causa aut ratio existere potuerit, ob quam ab Archiepiscopis vocari non debuerunt Maximiniani ad illarum exemplationum factum, ac itidem quæ ratio, vt ope aut medio illarum illis incognitarum exemplationum, Ius illud immediationis sub Imperio, adeo arduum, illustre, ac pretiosum laudi æquum fuerit?

Ad hoc autem, quod additur in voto, constitutionem istam, ut exemplis non credatur, videri esse de Iure positivo & ideo à Principe posse tolli, circa illam quæstionem, si illi inhærente opus esset, præsertim si intelligatur absque partis citatione, multa examinanda occurrerent, quæ non adeo facile soluantur, præsertim circa Ius naturale citationis, quod vnumquemque vocari iubet, ad illum actum unde laudi possit, præsertim in re graui; Ac sane nemo non videt quanta pericula imminerent, si instrumenta confici possent (nam & exemplatio quædam est species instrumenti confectionis) plenè probatoria contra tertium, illo absente ac inscio.

Verum in hoc nostro casu, non incidit quæstio illa circa legem aut statuendam, aut statutam, neque enim olim Imperator lege sanxit, vt exempla plenè probent:

Sed

Sed quæstio est, vtrum exempla particulariter pro Archiepiscopo exemplata, absentibus Maximinianis contra illos probent.

Quod ipsum est quod negatur, idque ex eo, inter cætera, quia nulla lex est, quæ statuat talibus exemplis credi, sed bene non credi.

Ac quod dicitur, voluisse Imperatorem in Exemplatione illa particulari fidem adhiberi tanquam originalibus, si id intelligere velis etiam in præjudicium Maximinianorum; hoc quoque ipsum est quod meritò impugnatur, quia id contra Ius Legesque est.

Concessio enim illa prætensa, rescriptum ac factum particulare est, ad sollicitationem narrationemque partis impetratum.

Atqui iubent Leges, ipsique Imperatores Legum auctores, ut suorum Rescriptorum, quæ contra leges generales impetrantur, nullus sit contra ullum pro villo vsus, vtque in Iudicio non suscipiantur, sed illis reiectis secundum Leges Generales iudicetur.

Ita enim sanciunt, ut Indices nullum rescriptum, nullam pragmaticam sanctiōnem, nullam sacram adnotatiōnem, quæ generali iuri aduersa esse videatur in disceptationem cuiuslibet litigij patiantur preferri, sed ut generales constitutiones modis omnibus non dubitent obseruandus. textus n. l. omnes vlt. C. si contra ius.

Item, ut non secundum nouas formas, controvēsiā aut lite pendente particularim impetratas iudicetur, vtque nulla talis sacra Imperatoria qualibet, ex scripto, aut non scripto valeat iussio, aut dispositio, sed ut secundum generales leges cause examinentur, & decidantur. Authent. in medio litis non fieri sacras form. &c. col. 8. tit. 14. cap. 1.

Quod additur in voto, Fiscalem exemplata documenta non impugnare, celsat in Maximinianis, qui illa ex professo impugnant, idque non simplici negatione, sed ex varijs causis summisque rationibus, quas videre licet in refutatione Diplomatici Conradini & aliorum.

Ad hoc etiam quod dicitur Fiscalem produxisse exemplata priuilegia, ita ut quod Iuris in alios statuerit, eodem & ipse vtatur.

Respondent Maximiniani se ad Iuris sui fundamentalis probationem proferre Originalia Imperatorum Regumque diplomata, vti sunt omnia illa, quæ hic exhibentur Dagoberti, Pipini, Caroli M. Ludouici Pij, Lotharij, Ottonis M. Ottonis II. III. Henrici II. III. IV. V. Conradi, Friderici I. Rudolphi I. aliorumque omnium Imperatorum & Pontificum consequentium.

Sed et si nonnulla etiam exempla, non tanquam præcipua sua rei fundamenta, sed velut per accessionem quoddam superabundans tot Originalibus Documentis fundamentalibusque suis authenticis probationibus annexerent, quo casu per talem concomitantiam fortificata exempla aliquam probationis additionem operarentur. Didac. Couar. ibid. Non tamen eadem ratio in Archiepiscopo, qui omnia suarum prætensionum radicalia fundamenta non in alijs probationibus, quam in simplicibus exemplis, immo exemplorum exemplis, constituit, ijsque plenam fidem adstituit, quamuis præterea ob diuersa vitia labefactentur per plurima contraria Originalia Documenta evertantur, a omnibus istis rationibus, quas haec tenus aliunde deduximus refutentur. Ita ut pro Archiepiscopis nullum tale Ius constituendum sit, quod Maximiniani in exemplis sibi constituerent, quamuis neque sibi tale ullum Ius ex illis constiuant, quale sibi Archiepiscopi.